

საქართველო გუგუყუყუა

ნახ. გ. ლომიანი



**სალალოგო
სტრიქონები
60 წლის რომან
მიგინოშვილს**

(აკციპიტარს)

ნაღდ მეცნიერს, პოეტს,
მთარგმნელს,
„ლიტგრუზიის“ მთარედაქტორს,
მოგილოცავ იუბილეს,
მის გადახდას მთავრობას ვთხოვ!
შენ ქართულად ააუღერე
პოეზია ძველბერძნული
და ქართულით გაუნათე
ჰომეროსის ღმერთებს სული!
თუნდაც მარტო „ილიადის“
დიდებულად თარგმნა რად ღირს!
სულ ახლახან გაგვახარე
„ჰომეროსის სამყაროთი“
დაუღლებლად ვკითხულობდი
მას დილიდან საღამომდი!



მეგობრული შარჟი მწერალ

თენგიზ გოგოლაძისა

საკადრისად ამათრახებ
ყველა ჯურის ანტიკრიტიკოსს
ვინც ცილს გვწამებს, ვინც
გვათხავს,
ენას, კალამს შხამში ანებს!..
გვმართებს შენებრ გადენტება,
სანამ ნაღმი აფეთქდება!..
შენი მწვავე წერილები
იკითხება რომანივით!
(„ტარხუნაში“ გადაგიხდი
საყიდელ ფულს, რომან,
„ნიკის“!).
გაფერები და გცემ პატივს,
საყვარელო აკციპიტერ!
სამოციის — ხარ! ასპარეზად
მომიცია ასი კიდევ!..
და საჯაროდ მითქვამს შენთვის:
რაც გითესავს, მას იმკიდე!
P. S.
უნდა გთხოვო ერთი რამე —
დაეხმარე ჩვენს „დინამოს“!
„ნიანგის“ დავალებით
ჯაშურ გოლშვადი




იუმორესკა

კაცმა რომ თქვას, მე მხოლოდ ბალახი ვარ, იქნებ მრავალწლიანი, მაგრამ მაინც ბალახი. იქნებ უფრო კულტურულიც ვიყო, ვიდრე ჩემი თანამომემენი, სარეველას რომ ეძახიან, მაგრამ მაინც მათი ჯიშისა და ჯილაგის ვარ. ერთიც უნდა ვთქვა: ჩემს თავზე გაცილებით ნაკლები წარმოდგენა მაქვს, ვიდრე ადამიანებს ჰგონიათ, ყოველ შემთხვევაში, ჩემი მნიშვნელობა კულინარიის ფარგლებს არ უნდა სცილდებოდეს, ადამიანებმა კი პოლიტიკის საგნადაც მაქციეს. აბა, სად მე და სად პოლიტიკა? მაინც დამაინტერესა, რას ფიქრობენ ჩემზე ადამიანები და ლექსიკონში ამოვიკითხე სახელწოდება: „არტემიზია დრაკუნკულუს“. აუჰ! ძალიან სერიოზული სახელი მქონია ლათინურ ენაზე! ჩემი პატრონი გლუხია, ის რომ არ მივიღიდეს, მართლა სარეველა ვიქნებოდი. იფიქრა გლუხმა, ეს ბალახი გემრიელი და სასარგებლოა, მარტო მე ხომ არ უნდა ვჭამოო, და, თუმცა ჩემი ლათინური სახელი „არტემიზია დრაკუნკულუსი“ არ იცოდა, კიდეც უკეთესად მომიარა და სხვებსაც გაასინჯა. სანაცვლოდ ჯიბეში ვერცხლისფერი მრგვალი ფირფიტები ჩაიჩხრიალა, ახირებული კაცია! საჭირო ყოფილა,

რომ ვილაცას ის ფირფიტები დაეთვალა, სანამ გლუხი ჯიბეში ჩაიჩხრიალებდა, და განესაზღვრა, რამდენი ეკუთვნოდა ტარხუნის მომყვანს. ასე გაჩნდა ბუღალტერი. მაგრამ ბუღალტერმა არც ფულის თვლა იცოდა და არც ტარხუნისა, მას მხოლოდ საანგარიშოს ჩხაკაჩხუკი ეხერხებოდა და იქიდან ქალაღმზე ციფრების გადატანა. შემდეგ გაჩნდნენ მწონავები, სანყობის გამგეები, დარაჯები და ექსპედიტორები. ამათ კი დასჭირდათ დირექტორი, დირექტორს — მოადგილე, პირადი მდივანი და მანქანა, აღარაფერს ვამბობ მაცივარსა და კონდიციონერზე. ეს ყველაფერი კარგია, მაგრამ ტარხუნას მარტო მოყვანა კი არა, გასაღებაც უნდა, ასე გაჩნდა ტარხუნის მიმღები პუნქტი, რომელსაც თავის მხრივ ბუღალტერიც დასჭირდა, სანყობის გამგეც და დირექტორიც თავის მოადგილიან-მდივნიან-მაცივრიანა. ასე გაჩნდა ორი დირექცია. მაგრამ ხომ უნდა ყოფილიყო ვილაც მათზე უფროსიც, რომელიც ერთ დირექტორს დაავალებდა — შენ ამდენი ტარხუნა მოიყვანეო და შემდეგ მეორეს უბრძანებდა — შენ კი ამდენი მიიღეო! ასე გაჩნდა ტარხუნტრესტის მმართველი. ტარხუნტრესტის მმართველს ორი მოადგილე გაუჩნდა: ერთი — ტარხუნის მოყვანის დარგში, მეორე კი — მიღების დარგში. ტარხუნტრესტის მმართველს სხვა ატრიბუტებთან ერთად ფერადი ტელევიზორიც აქვს. მაგრამ ეს არ არის მთავარი. ტრესტი მარტო ბუღალტრით ვერ დაკმაყოფილდებოდა და გაჩნდა ბუღალტერია საკმაოდ მოზრდილი შტაბით და აგრეთვე საგეგმო განყოფილება. დაუგეგმავი ტარხუნა რა ტარხუნაა, ყოველ შემთხვევაში „არტემიზია დრაკუნკულუსს“ მაინც ვეღარ ვუნოდებთ! თითქოს ყველაფერი წესით და რიგით მიდიოდა, რომ გამოირკვა: სანამ ტარხუნა საბჭოთა მშრომელის სუფრაზე მოხვდებოდა, მას კიდეც ერთი გზა უნდა გაეკლო: დამზადებიდან რეალიზაციამდე. ეს უკვე სხვა დარგია, ეს ვაჭრობაა. და

შეიქმნა ამისთვისაც სპეციალური ტრესტი. მაგრამ
 ორ ტრესტსაც, ტარხუნტრესტს და მის მეზობელ
 „გლავტარხუნრეალიზაციის“ ტრესტს ხომ სჭირდე-
 ბოდა საერთო ხელმძღვანელი? ასე შეიქმნა ბალჩეუ-
 ლობის სამინისტროში „გლავტარხუნპრავლენიე“,
 თავისთავად ცხადია, დედაქალაქში. საჭიროებამ მოი-
 ტანა და ჩამოყალიბდა ოთხი სამეცნიერო-კვლევითი
 ინსტიტუტი, რომელთაც სათავეში ჩაუდგნენ აკადე-
 მიკოსები და წევრ-კორესპონდენტები, გაიხსნა ინ-
 სტიტუტების ფილიალები ბარნაულში, ვორკუტასა
 და კამჩატკის პეტროპავლოვსკში. გაზეთებში სიამა-
 ყით წერდნენ, რომ ამ ინსტიტუტებში 600-მდე მეც-
 ნიერებათა დოქტორი და 14 ათასი კანდიდატი მუ-
 შაობს. მთავარმა სამმართველომ მტკიცედ მოჰკიდა
 ხელი ტარხუნის განვითარებას, დაინერა აუარებელი
 განკარგულებები, ცირკულარები, მეთოდური რეკო-
 მენდაციები ჩითილების დროულად ჩარგვის, ტარხუ-
 ნის ფოთლების გარეცხვის, ტრანსპორტირებისა და
 სხვა საკითხების გარშემო. რაც მთავარია, შედგა
 წლიური და ხუთწლიანი გეგმები, რომელნიც შესაბა-
 მისად ცხრა თვეში და ოთხ წელიწადში გადაჭარბე-
 ბით სრულდებოდა; წამოვიდა ზემოდან ასიათასობით
 ბრძანება, ქვემოდან ზემოთ გაფრიალდა მილიონობით
 ანგარიში და პატაკი, ტარხუნის ყოველ ფურცელზე
 რამდენიმე ფურცელი ქალაქი მოდიოდა. ფართო
 მუშაობა გაშალეს კომისიებმა, რომელნიც ამონებ-
 დნენ ფინანსურ, სანიტარიულ, მორალურ-ფსიქოლო-
 გიურ ვითარებას, თავის მხრივ ამ კომისიებს ამონ-
 მებდნენ უფრო მსხვილი კომისიები, ხდებოდა შემო-
 ნმებები ვერტიკალურად, ჰორიზონტალურად, დია-
 ტონალურად და ჯვარედინად. სულ მალე გახდა ცნო-
 ბილი, რომ ჩვენმა ქვეყანამ ერთ სულ მოსახლეზე
 ტარხუნის წარმოებაში გადააჭარბა ამერიკის შეერ-
 თებულ შტატებს, კანადასა და ინგლისს, ერთად აღე-
 ბულსა დარიგდა მრავალი გარდამავალი დროშა სო-
 ციალისტურ შეჯიბრებაში გამარჯვებისათვის, მრავალი
 ორდენი და სამეცნიერო ხარისხი. გული სიამა-
 ყით მეგსებოდა, ლამის მწყინდა კიდეც, რომ ძველე-
 ბურად ტარხუნას მეძახდნენ და არა „არტემიზია
 დრაკუნკულუსს“. მაინც რა შემძლება, რამდენ
 ხალხს ვარჩენი „მაგრამ დიდხანს ეს სოფელი გაახა-
 რებს ვინმეს განა?“ — მართალი უთქვამს დიდ
 პოეტს. გარდაქმნა უნდა დავიწყოთ, უთხრეს ჩვენს
 უფროსებს — დირექტორებს, მმართველებს, მმარ-
 თველთა მმართველებს. და კვლავ წამოვიდა გადა-
 ნყვეტილებები, ბრძანებები, ცირკულარები, რეკომენ-
 დაციები და წავიდა საპასუხო ანგარიშები, ოქმები და
 სრულიად ახალი რამ — წინადადებები!.. რა გვიშ-
 ლის ხელს, რა არის ზედმეტი, რა უნდა გავაუქმოთო,
 ფიქრობდა დიდი და პატარა. გადახედეს სამმართვე-
 ლო აპარატს, — გაბერილია, მოუქნელიაო. გადააკე-
 თეს ორი ტრესტი სამ სამეცნიერო-კვლევით ინსტი-
 ტუტად, მთავარი სამმართველო ბალჩეულის სამინის-
 ტროდან ბოსტნეულის სამინისტროში გადაიტანეს და
 გააუქმეს გლეხის შტატი, რომელიც ჩემთვის იყო გა-
 მოყოფილი. სხვა ვერავინ ვერაფერს მიხვდა, ჩემს
 გარდა: ერთადერთი მე ვუშლიდი ხელს ამ საათივით
 აწყობილ მექანიზმს. ერთადერთი მე ვიყავი, გეგმას
 რომ არ ვაჭარბებდი და არც ვინმეს ვაბარებდი ანგა-
 რიშს. ისევ ის მეფის დროინდელი ტარხუნა ვიყავი,
 რომელსაც სოციალური გარდაქმნების მადლი არ
 მომცხებია. ახლა ვარ მე ჩემთვის და ჩემი შექმნილი
 ორგანიზაციები — თავისთვის. მხოლოდ ერთ რამეზე
 მწყდება გული: მოუვლელობით სარეველას ვემსგავ-
 სები და აღარავინ დამიძახებს ლამაზ სახელს —
 „არტემიზია დრაკუნკულუსს“!



ვ.ვ.



ვ.ვ.



შოთა როყვა

ზურგის ქარი იალქნებს
 არხევს და აშრიალებს,
 ნავი კი
 ადგილიდან არ იძვრის!
 ქვეყნის წინსვლას აფერხებს,
 გულს ხრავს და აჩიავებს
 საზარი სენი — ბ ი უ რ ო კ რ ა ტ ი ზ მ ი !
 მასთან უძღურია
 ცხრა ძმა ხერხეულიძე,
 რადგან მას ძალა აქვს
 ათი ძმის!
 სიკეთეს, სიცოცხლეს
 ტყვიას ზურგში უმზნებს
 საშინელი ურჩხული —
 ბ ი უ რ ო კ რ ა ტ ი ზ მ ი !

მისი მისამართია:
 ტრიბუნა, სავარძელი,
 ის დაბალ საფეხურზე არ იცდის,
 თავი კი მოაქვს,
 ვით ქვეყნის ჯავარდენი,
 ოჰ, ოჰ, ოჰ!..
 ეგ ჭირი — ბ ი უ რ ო კ რ ა ტ ი ზ მ ი !
 ადინარ კიბეზე,
 კიბის საფეხურიც დაჭმულია,
 ერთ საქმეზე
 რამდენჯერ მიხვიდე, არ იცი!
 ქალაღდი, ქალაღდი!..
 ქსელეები გაბმული აქვს,
 ისეთი ობობაა ბ ი უ რ ო კ რ ა ტ ი ზ მ ი !
 ის თითქოს სუფთაა,
 შავი „ვოლგით“
 მეფობს და შეფობს,
 სხეულს ადგილიდან
 ადგილზე გადისვრის,
 მაგრამ ქალაქის ტუალეტში
 ცხვირსაც ვერ შეყოფ,
 ისეთი სუნი დგას...
 ბ ი უ რ ო კ რ ა ტ ი ზ მ ი ს !

გარდაქმნა?
 ბიუროკრატს რად უნდა
 ისედაც კარგად არის,
 პარპაშობს ნებივრად,
 მისი სიტყვა ქარს მიაქვს
 ქარდაქარ,
 ის დემოკრატიის მტერია!
 შედი, ჩაენერე,
 იქნება მიგიღოს,
 გეტყვის, რომ
 მშრომელი ფასდება!
 თვითონ თუ არ არის,
 მოადგილეა...
 იგივე...
 საქმე აწყობილია — არ ცდება!
 ბ ი უ რ ო კ რ ა ტ ს ჰყავს
 მოადგილე და შეგირდი
 (ის არ არის პერსონა უცვლელი),
 ბ ი უ რ ო კ რ ა ტ ი ზ მ ი
 რომ არ შეფერხდეს და შენელდეს,
 არსებობს კადრები... კურსები!
 და არის ბრტყელ-ბრტყელი
 სიტყვა და ლაღადი,
 ცრუობა, ცრუობა ათპირი!..
 ქალაღდი,
 ქალაღდი, ქალაღდი, ქალაღდი,
 რეკვა და სხდომა და
 თათბირი!
 ტანკებით გადმოსულ
 მტერს ვძლიეთ,
 დავამხვეთ,
 გამარჯვების
 ზეიმიც გვენვია,
 ბ ი უ რ ო კ რ ა ტ ი ზ მ თ ა ნ კ ი
 ვერაფერი გავანყვეთ, —
 ო, ეს რა საშინელი მხეცია!



ნ.ბ. პ. კუციანი



— აი, სამაგალითო მეურნეობა!
 ტექნიკა არა აქვთ მიტოვებული!..
 — პირიქით, ბატონო, ტექნიკა
 არც გამოუყვანიათ!



— ნიკიფორე, ხსნი კოოპერატივს?
— მომეცი თუ მანი და გეტყვი!



მარაუკვი

ქათამმა ერთი კვერცი დადო და კაკანით სოფელი აიკლო! ქართველმა ერთი შვილი გაზარდა და ქვეყანა შეყარა!

თბილისს ჭადრები კი არა, თბილისელები ამშვენებენ!

— რას ანგარიშობ?
— შარშან სოფელში ოთხმოცი კომლი ცხოვრობდა, ახლა დავთვალე და სამოცი ბუხრიდან ამოდის კვამლი. ვანგარიშობ, რამდენ წელში დაიცლება სოფელი!

— თონეში პურს აღარ აცხოვენ, ცხვარ-ძროხა-ქათმის ყოლაზე ხელი აიღეს, საკარმიდამოსლა უფლიან.
— მაშ, რა ასაზრდოებთ?
— ქალაქის სასურსათო მაღაზიები.

ცოლი — ქმარს: — შალვა, მომეცი 50 მანეთი, საკაბე მინდა ვიყიდო!
— თვითდაფინანსებაზე გადავედი, გენაცვალე, და ასეთი თხოვნით აღარ მომმართო!

— რა მოგვცა კოოპერირებამ?
— სარდაფები სამოთხეებად გვიქცია!

— შეილო, უმაღლესი დაგამთავრებინე, ქორნილი გადაგიხადა, მანქანა გიყიდე, ბინა აგიშენე!.. ჩემი ეკონომიკური რესურსები ამოიწურა!.. გადადი ახლა თვითდაფინანსებაზე, თვალი გიჭრის და მარჯვენა გერჩის! მე უკვე დავბერდი!..

ჩვენო გზის მუშაებლავო!

მაღალი ღმერთი გფარავდეთ გიგმებისა თუ შემხვიდრი გიგმების შესრულებისა და თანხების ათვისების საქმეში! მინიერი ცხოვრება იმით გამოირჩევა ზეციერისაგან. რომ ძეხორციელმა ყველაფერი უნდა იღონოს თვითონ თუ კვარტალური გიგმების გადაჭარბებით განადღებისათვის. ჩემთვის, როგორც ხუროს მიუღლისათვის, კარგად არის ცნობილი, თუ რაოდენ ძნელია სამშენებლო მასალების შოვნა. მახსოვს, ჩემს იოსებს რამდენი მიდგომ-მოდგომა სჭირდებოდა ხის მასალის შოვნისათვის, მაგრამ თუ ვინმეს პირობას მისცემდა, ციცილში ჩადგებოდა და დანაპირებს აუცილებლად შეუსრულებდა!

ამ სამიოდი წლის წინ მამაზიციერსა და ივანე ნათლისმცემელთან ერთად თვალყურს ვადევნებდი მცხეთის რაიონის სოფელ ქეგვიში საავტომობილო გზის გაფართოების სამუშაოთა მიმდინარეობას და როდესაც ბუღლოზერი ჩემი სახელობის ეკლესიას მიადგა და წინასწარი სამაგრი სამუშაოების გარეშე ძირი გამოუთხარა, მიქელ-გაბრიელმა ეჭვიანი თვალებით გადმოხედა.

— შენ ჩემი სიტყვა დაიხსომე, მარიამ, და ნახავ, თუ გზის მშენებლები დადებულ პირობას შეასრულებენ!..

— რას ამბობ, გაბრიელ?! შენ შენი ყურით გაიგონე, როგორ იფიცებოდნენ! სიტყვის გატეხა ხომ უმძიმესი ცოდვაა ადამის შვილებისათვის?! რა პასუხი უნდა გაცენ მერე ან ცასა, ან დედამინას?!
— რა ვიცი, შიომღვიმის გზაზეც ასე იყო ნათქვამი, ერთ წელიწადში დავამთავრებთ რეკონსტრუქციასო, მაგრამ მესამე წელი გადის და დამთავრებას ჯერაც არ უჩანს პირი!..

ისე არ ასრულდეს მიქელ-გაბრიელის ყველა სიტყვა, როგორც ის ეჭვი გამართლდა. ამას წინათ, როგორც იყო, დაამთავრეს საყრდენი კედლის მშენებლობა ქეგვიში, მაგრამ შიომღვიმის გზა ისევ ისეა ყველასაგან მიტოვებული!..

შვილნო ჩემო, რა საკადრისია სიტყვის გატეხა?! ერთი ციდა გზა ბაბილონის გოდოლი ხომ არ არის, მინიდან დაიწყეთ და ზეცამდე ამოხვიდეთ?! მაგ პატარა საქმეს ხელის განძრევა კი არა, თითის განძრევაც ეყოფა და განა ღირს მაგის გულისთვის პირშერცხვენილება იაროთ დედამინაზე?!
მარიამ ღვთისმშობელი

სამიწისქვეშა დთირიკა



„შუსტრებს“

დაიძაბა საუკუნე,
ნერვნი ნასკვებ გამოებნენ!
გაიმართა მართონი,
ყველა თავის მიზანს ურბენს!
ვინ — მამულეებს, ვინ — სიმშვიდეს,
ვინ — სიცოცხლეს
ერთურთს ურბევს!
აერიათ გზა და კვალი
სინდისთა და ნამუსთ უბნებს!
გამნარებულ მართონზე
(ჭირს გაგება!)
ვინ ვის უსწრებს!
სარბიელი მათ ეკუთვნით —
ენერგიულთ, საქმით „შუსტრებს“!
ულირსი და უსაქმური
ხშირად ჭკვიანს თავგზას უბნევს,
ხშირად ერთ ტაფაში წვავენ
კაცს ვარგსა და კაცსა ურგებს!

პარპაშებენ ოქრო-ვერცხლით,
კვლავ მეტი შურთ მუდამ უძღებთ,
ჭიანჭველად აღარც უღირთ,
ვინც შებმულა შრომის უღელს.
კიბებზე ზოგი ფორთხვით,
ზოგი ხტუნვით მიდის მაღლა,
ზოგი ისე მიგელაობს,
არ ეტყობა სულაც დაღლა.
ზოგი ისე ფრენით ადის
ამ ცხოვრების კიბებზე,
არ ნუხს სულაც ამქვეყნიურ
ამაღლებულ იდეებზე!

ლორწურ დრუნჩიანი

იყო... არა იყო... იყო...
ლამის მშვირად მომკვდარიყო;
მერე ოქროს მჩეკავ სიკოს, —
ქლესობას რომ ხელი მიჰყო...
მერე მჭლედაც აღარ იყო,
ტკეჩზე ტკეჩი აღარ იკრა,
როგორც ძარცვას ხელი მიჰყო,
მტაცებელი ზვიგენ იყო...
ნთქავდა ყოველთ მისთ უმცირეს,
ლამართ შიშით რომ უმზირეს.
მოიხვეჭა სიმდიდრე და
არც სალამი გაუძვირეს:
მან რომ არ თქვა, მან რომ არ ქნა,
არ დარჩა რა უკადრისი,

ყოველ ბინძურ ხერხში გაძვრა,
ვაი ზედშავს, ბრალი მისი!
ლორწურ იყო დრუნჩიანი,
თუმცა ნათლავს ყველა ნოლად.
ჭარბ სიბილნის დასამალად
მოსამართლე იფსკვნა ცოლად.
მერე ცოლის იქცა მხეველად,
მარათა დამმარხველად...
ლაქიასებრ გაიძვერას
იმ ცოდვების მაინც სცხელა.
...დარჩა მხოლოდ ცოლის მხეველად!

ტყუილი

საქმე გამიხდა საქილიკოდ,
ვარ თურმე გადმონაშთი ძველისძველი!
ტყუილს ვერა ვთესავ ბილიკ-ბილიკ,
მაგრამ დარწმუნება არის ძნელი!
ახლა, როცა თურმე ბევრი ტყუის,
მე კი ბრიყვი ვარ და ვამბობ მართალს!..
ფუტკარზე მეტად-მეთქი ბზიკი ბზუის,
არაო, ვერ ვენდობით ბრძენთა დავთარს!
აქეთ შეგონებას არჩევს ზოგი,
მტერმა იხადო სიმართლის თქმა!
ვერ გრძნობთ, სიცრუის რომ დგას სეზონი,
არ დაიდასტუროო ძველი ალთქმა!



ნახ. დ. თოთიბაძისა



უსიტყვოდ



ფელატონი

— მე თუ ვლთობ, შენ რას გიშლი, ძმობილო?! — თითქმის ყოველდღე ესმოდათ თბილისში მე-3 მასივის 1 კვარტლის მე-10 კორპუსის № 21 ბინიდან გამოსული ხრინწიანი სიმღერა ამ კორპუსის მცხოვრებთ.

ლამის „სერენადის“ შემსრულებელი ბინის მეპატრონე სერგო კარაპეტიანი გახლდათ. მისი „დამსახურება“ იმით გამოიხატებოდა, რომ იგი ადრე სამჯერ იყო გასამართლებული ლოთობით ჩადენილი დანაშაულის გამო და ნარკომანობისათვის სამჯერ იყო გაგზავნილი საგარეჯოს შრომა-აღმზრდელით პროფილაქტორიუმში იძულებითი მკურნალობისათვის!..

— ნურც ეშმაკი გინდა და ნურც ნაეშმაკარი!.. დაანებე თავი ლოთობასა და ნარკომანობას, ცოლ-შვილს მიხედე! — ურჩევდნენ ახლობლები და მეზობლები სერგოს, მაგრამ ამ უკანასკნელს პასუხი მზად ჰქონდა: — ვერ დავკარგავ ძველსა გზასა, ვერცა ძველსა მეგობარსა!..

სერგო კარაპეტიანი კვლავ აგრძელებდა ნარკომანობასა და მემთვრალეობას, მაგრამ დადგა განკითხვის დღე.

ერთი დღეს, ნარკოტიკები რომ გაუთავდა, თავის დოსტებს მიაკითხა და ნარკოტიკული ნივთიერება 1,7 გ ჰაშიში შეიძინა, ერთი ამდენივე სახლში ჰქონდა გადამალული და აი, დამატებითი ნარკოტიკების შეძენა სერგო კარაპეტიანმა უზომო ღირსის დაღვივით აღნიშნა, მაგრამ ლოთი ნარკომანი მილიციის მუშაკებმა ქუჩაში დააკავეს, მილიციის განყოფილებაში გაჩხრიკეს და ჯიბიდან ამოუღეს ვერცხლის ქაღალდში გახვეული 1,7 გ ჰაშიში, 1,3 გ ჰაშიში კი სახლში უპოვეს გადამალული!..

როსტომ ხუბულოვს სერგო კარაპეტიანთან შედარებით ნარკომანობის უფრო ნაკლები სტაჟი აქვს — სერგო კარაპეტიანი სამგზის ნასამართლებია, როსტომ ხუბულოვი კი მხოლოდ ერთხელ იყო გასამართლებული ნარკომანობისათვის, მაგრამ მასაც ჰქონდა „უპირატესობა“ სერგო კარაპეტიანთან: თუ სერგო უმუშევარი იყო, სამაგიეროდ როსტომ ხუბულოვი მე-13 სამრეწველო სანარკოს კომბინატში მუშაობდა მეტეტონდ. იგი ისე კონსპირაციულად იღებდა ნარკოტიკებს, რომ როდესაც მის ბინაში (დიღმის მასივი, 1 კვარტალი, მე-2 კორპ., ბინა № 60) აღმოუჩინეს 2,05 გრამი ჰაშიში, ბევრმა არც კი დაიჯერა...

სერგო კარაპეტიანსა და როსტომ ხუბულოვს სასამართლოს განაჩენით 4-4 წლით შეეფარდათ თავისუფლების აღკვეთა.

უფრო ორიგინალურად, „დახვეწილად“ მოქმედებდა ადრე ნასამართლები ჯიბრაილ ზაკირჯანოვი, ჯიბრაილი ბაქოელია (ცხოვრობს კალინინის ქ. № 9, ბინა № 15-ში). იგი აზერბაიჯანის რკინიგზის სადგურ ალიატი-ნოვაიას რეფერტორატული სექციის მექანიკოსად მუშაობდა, გარეული მცენარე კანაფისაგან თვითონ ამზადებდა ნარკოტიკულ ნივთიერებას, რასაც შემდეგ ასალებდა ქვეყნის სხვადასხვა ქალაქში. თბილისის რკინიგზის სადგურში იმ დროს დააკავეს, როდესაც ოლია ჩეკურიშვილსა და ზურაბ მათიაშვილს ნარკოტიკული სიგარეტები შესთავაზა, ჩხრეკის დროს ზაკირჯანოვს აღმოაჩნდა 1,2 გრამი ჰაშიში.

სასამართლო განაჩენით ჯიბრაილ ზაკირჯანოვს სამი წლით შეეფარდა თავისუფლების აღკვეთა მკაცრი რეჟიმის შრომა-გასწორების კოლონიაში მოხდით.

ნარკომანია ჭირთა უჭირესია! არ უნდა დაგვაინყდეს, ერთი დამპალი ვაშლი ერთ კალათ ვაშლს დააღობოს!..

ჯაალ მესხვერისი

ნ. ა. ფორჩხნიძისა



ბერძენული
ბიზლიროთიქს

— კი ამბობენ, ანონიმურ წერილებს აღარ წავიკითხავთო, და ვითომ ასე უცებ ულაღატებენ ჩვეულებას?



— რატომ არ გვეხმის ამ კაცის ლაპარაკი! მიკროფონის ბრალია?
— არა, ბატონო, უძრაობის პერიოდის მსხვერპლია: ლაპარაკს გადააჩვიეს!



ცეკვის მასწავლებელი



თარიღი

ზუსტაფონის
კავშირგაბმულობის
რაიონულ კვანძს

ვერაფერი გავიგე
მიღებული დეპეშის,
თვალეები გავინამე,
ცრემლით ვივსე მე პეშვი!..

ვერაფრით ნავიკითხე,
ძალას ვატან თავს, ჭკუას...
ცოცხალ იყო, შევლას გთხოვ,
შამპოლიონ ფრანსუას!

თვისთავზე იმ დეპეშის
გამომგზავნი მოვიდა:
დაემარხა მეუღლე,
გამხმარიყო გლოვითა.

საყვედურის თვით შერცხვა
(ჩამოზრდოდა თმა-წვერი),
როცა ვერ წაიკითხა
თავისივე ნაწერი.

იცანით? გამოიცანით!

ფულებს ფარად ვიფარებ
და ვაფარებ იმ მფარველს.
მას რომ ვპირისფარეშობ,
რაიონში ვთარეშობ.


კარიერა ასეა,
ბრილიანტის ფასია.

ხანჯლით, ტყვიით იბრძვიან
სიხარბისა კანკალით.
მე ქრთამი მომემატოს,
თქვენ ერთურთიცი დაკალით!
ჩემს სამწყსოში რაც ხდება,
ჩემთვის ის სიზმარია!
იხტუნონ და იჩივლონ!..
ქარი ქრის და ქარია!

დღეს დანიშნულს ხვალვე ვხსნი,
ხვალ დანიშნულს — ზეგის წინ,
თორემ სასამართლოში
არ წავიდე მე მის წინ.

მეფარება მფარველი!
საფრთხე? არსით არ მელის!

გიორგი კაპანაძე



მატარებლის მუსრუჭები

სამშურალი მოქალაქეები ა. კურტანიძე, მ. ხარაზიშვილი, გ. თულაშვილი, გ. ნოზაძე, ნ. ბერიძე, დ. თორაძე გულისტკივილით სწერენ რედაქციას, რომ ყოვლად უფარგის საბინაო პირობებში უხდებათ ცხოვრება: 45 ოჯახი ცხოვრობს ოთხ 15-ბინიან შენობაში, რომელიც №349 სამშენებლო-სამონტაჟო მატარებელს ეკუთვნის.

ახლა ეს ბინები ავარიულ მდგომარეობაშია, ვიდრე ვარგოდა, მატარებლის ხელმძღვანელობა და შინაგან საქმეთა განყოფილება ყველა წესის დაცვით წერდნენ იქ მობინადრეებს (მუშახელს), ახდევინებდნენ ბინის ქირას. ბოლო ხუთი წელია, კომუნალური მომსახურების გადასახადებს აღარ ახდევინებენ — ბინები ჩამოწერილია და თქვენს თავს მიხედით!

როგორც ყველა მატარებელს, ამ 349-ისაც უყავს თავისი უფროსი და მომჩივნებამაც ზევით აიხედეს. ტრესტ „ზაქტრანსტროის“ მმართველი ლ. მეგრელიშვილი და გაერთიანებული პროფკომიტეტის თავმჯდომარე ვ. ქუთათელაძე აცნობებენ აღნიშნული საქმით დაინტერესებულ სამშურის რაიონმასკოშს, რომ ეს სახლები არ ირიცხება მათ ბალანსზე. „თუმცა ზოგჯერ 349 უტარებდა მიმდინარე რემონტს, მაგრამ ეს გამონაკლისი ხდებოდა მცხოვრებთა თხოვნით. რაც შეეხება სამშურში ახალი სახლის მშენებლობის საკითხს, იგი არ მიმდინარეობს დაუფინანსებლობის გამო. თუ ამისათვის გამოინახება სახსრები, მაშინ იქ ჩავასახლებთ 349-ის და ქვემოთადად ორგანიზაციის ყველაზე გაჭირვებულ ოჯახებს არსებული წესის მიხედვით“.

სამშურის რაიონმასკომი თანახმაა გამოეყოს ფართობი მშენებლობის დანყებისათვის, რის შემდეგაც ავარიაში მყოფი სახლები აიღება.

მინერ-მოწერა თბილისსა და სამშურს შორის შეიძლება კიდევ გაგრძელდეს, ბევრმა მატარებელმაც ჩაიაროს ლიანდაგზე, მაგრამ ანტისანიტარიის, დაზიანებულ სახურავებს ან კიდევ რაიმე უბედურ შემთხვევას ხომ არ უნდა ვანაცვალოთ სამშენებლო-სამონტაჟო მატარებლის მუშაკები? დრო არ იცდის, ხალხს მიხედვა სჭირდება!

ჯამლეთ სერგიელი

ნან. მ. აბაშიძისა



მურვეულები

მეზობლები

იუმორისტა

— ჩემი სალამი ვლადიმერჯან, რალა! — გვერდით მომიჯდა მწვანედმულებილ სკამზე ჩემი ყოფილი მეზობელი. გაზაფხული ძალას იკრებდა... გამოცოცხლებულ პარკს გაეხედიო...
 — ვა, რა კარგი ბაჭეშვია! — თვალი გამეძვდა იქვე მოთამაშე ბიჭუნასკენ.
 — კარგი მაგის თავი დაეშართოს, ყოველი დღე ბალი აცდენს, კარაკიანი პური არ შეჭამოს, ერთი სული აქვს... მგონი დომინოც თამაშობს, — გამოსცრა მან, ჩემი მეზობელია, რა!..
 — აი ვაჟკაცი! — ახლა რეიტოზებში ჩანკვართული ვაჟისკენ გავიხედი.
 — ვაშუაკი არა, ისა!.. ეგა ყოველ დღე მორფი, რამე... მამამისის ისე ცემს, ვითომ კოშკა იყოს... დედამისიც რამეა, რა! დღეში ექვსი კაბას იცვლის! ვაა, ბებიაბისი იკითხე, 70 წლისაა და უფი სიგარეტსა სომს, რა!..
 — ნუთუ არც ის წყვილი მოგნონს, ნახე, როგორ უხდებიან ერთმანეთს!
 — ოო, იგინი ორივენი მორფი იჩხირამენ, ვერა ხედამ, გოკო ლურჯია, ბიჭი — მწვანე... ქვიჩანა ლუსტრით ხომ არაა დახურული? ჩემი მეზობლები არიან, კვირაში ორჯერ შეუღლდებიან და გასცილდებიან. ვაა, მაგათი ამბავი მე მკითხე!..
 — რა სიმპათიური მამაკაცია!..
 — რა სიმპათიური, თუ ძმა ხარ! მთელი ტრესტი შეჭამა, ვერა ხედამ, რამოტოლა მუცელი აქვს? იგა ეხლა შენ ნასადილევი ნახე, ერთ რამეა ღირს, ვიცე ვინც არი, ჩემი მეზობელია... ანონიმა დაეწერე და მიჩივლა, ამის შემდეგ იგ ადამიანია?

— კარგი, კარგი!.. აი, იმ მოხუც ქალზე რაღას იტყვი?
 — იგა მოხუცად გაჩვენებს თავსა, ისე ახლგაზრდაა, წლებსა მალამს, მაგისი შვილიშვილი ისეთი ფინთი ჯილია!.. აჰადემიაში ხუთიბზე სწავლობს!.. ინტრიგან ნესჩასტნი! ჩემი მეზობელია... მაგის მეტი რა ვიცი!
 — მოიცა, მოიცა! შენ ხომ არ მიწერ „ანონიმებს“, მეც ხომ შენი მეზობელი ვიყავი?! — შეიძახე გაოცებულმა.
 — შეგახედამ, კაცსა გეგზარ! ინტრიგანტი ყოფილხარ, ძმაო! შენთან პურის ჭამაც არ შეიძლება! ვა, რა იჭვიანი ხალხი იბადება!.. შემომიბღვირა, ნამოსხტა და თვალს მიეფარა.

მურგან მერკვილიშვილი

„ეს თე ბი“

ჰალსტუხინანი „დენდი“ „სეკურ“ სუფრაზე ჰყვებოდა:
 — პირველი რომ ვხეტქე, რვა კბილი ჩავუმტვრიე ზევით და ქვევით, სახეზე ხელი მოვუსვი, კენჭების პარკი გეგონებოდა; მეორე რომ ვხეტქე, სულ მოვუნგრე ყბა, ცერა თითებით გავუსხენი ლაყურები, ყურებამდე ავახიე, ყურებზეც ვუკბინე მაგრად. თმაში ჩავავლე ხელი, მინაზე ვარტყმევიე თავი, სამჯერ „ადიდასიანი“ ფეხი ჩავარტყე დაჩუტულ ღიბში... დაველნავდი, მაგრამ უცებ გამახსენდა, ლექცია მქონდა, პანდური მივაყოლე და ლექციის ჩასატარებლად გავვარდი...
 — რა საკითხებზე კითხულობთ ლექციებს? — ნამწამთა რხევით იკითხა გადაპრანჭულმა გოგონამ.
 ჩემი ლექციის თემა ასეთია: „პუმანიზმის პრინციპებისა და ესთეტიზმის აღზრდა ბავშვებში“. — თავი მოიწონა „ესთეტიკა“.

ლივარდ ტუხაშვილი



სატიროკო და იუმორის მურალი „ნიანგი“ № 18 (1772) სექტემბერი გამოდის 1923 წლის ივნისიდან.

მთავარი რედაქტორი ზაურ გოლგვამია

სარედაქციო კოლეგია:

ავთანდილ ადგიშვილი (პასუხისმგებელი მდივანი), ქაბუა ამირჯიბი, ნოზადი ხართია, ზორის გურგულია, რევაზ თვარაძე, ჯემალ ლოლუა, ნოდარ შალაონია (მხატვარ-რედაქტორი), ალექსანდრე სამსონია, ბეჟან სიხარულიძე (მთავარი რედაქტორის მოადგილე), ჯანსუღ ჩარკვიანი, თამაზ წივიციანი, ნაფი ჯუსიოთი.

ტექნიკური რედაქტორი ირაკლი დუნდუა

გადაცა ასაწყობად 18. 08. 88 წ. ხელმოწერილია დასაბეჭდად 26. 09. 88 წ. ქალაქის ზომა 60x90/8, ფიზიკური ნაბეჭდი ფურცელი 1,5. სააღრიცხვო-საგამომცემლო თაბახი 1,9, საქართველოს კაცის გამომცემლობა, უნიონის 14. შეკვ. 2101, ტენ 04797. ტირაჟი 137500. მურალი გამოდის თვეში ორჯერ. რედაქციის მისამართი მასალები ავტორებს არ უბრუნდებათ.


ჩვენი მისამართი: 880008, თბილისი-8, რუსთაველის პროსპექტი № 42.

ტელეფონები: მთავარი რედაქტორის — 99-55-54, მთ. რედ. მოადგილის — 93-19-42, პ/მგ მდივნის — 93-10-78, მხატვარ-რედაქტორის — 99-02-38, განყოფილებათა გამგებების — 93-49-32, რედაქტორ-ლიტმუშაეების — 99-02-38, მდივან-მემაწვანის — 99-76-69.

სატირიკო - юмористический журнал «НИАН-ГИ» (На грузинском языке), Тбилиси, пр. Руставели № 42, Издательство ЦК КП Грузии, Ордена Трудового Красного Знамени типография издательства ЦК КП Грузии, Тбилиси, улица Ленина № 14.

ფასი 20 კაპ. ინდექსი 76137





— ეს რა გეჭინია?! რატომ დაუშავე მანქანა?
 — მთლიანად შევკვლა ავტოგაგაზეთი და შეი
 ნაფიშ-ნაფიშ მანიც შევარე!..